

## **Қароқчитолда 3 минг метрдан ортиқ узунликдаги ички йўллар "бир деганда асфальтлаш"га тайёр ҳолга келтирилди**

Ташаббусли бюджет" жараёнларининг 2023 йил 1-мавсумида иштирок этиб, 2 мингдан ортиқ овоз тўплаган ва Ўзбекистон Республикаси Президентининг "Ташаббусли бюджетлаштириш амалиётини янада такомиллаштириш ҳамда фаол маҳаллаларни қўллаб-кувватлаш чоратадбирлари тўғрисида"ги 117-сонли қарорига биноан ғолиб деб топилган таклифлар қаторидан Бағдод туманинг "Қароқчитол" маҳалла фуқаролар йиғинидаги 3 минг метрдан зиёд ички ҳўжалик йўлларини асфальтлаш лойиҳаси ҳам ўрин олган эди.

МФЙ раиси Иzzатулло Тошпўлатовнинг маълум қилишича, мазкур лойиҳа асосида ҳудудда аллақачон бунёдкорлик ишлари бошлаб юборилган.

- Жами 3 минг 20 метр узунликдаги ички йўлларимизга шағал ётқизилиб, бир деганда асфальтлашга тайёр ҳолга келтирилди. Шағал қопламаси йўл қисмига мустаҳкам ўрнашиб олгач, асфальтлашни бошлаб юборамиз. Лойиҳада, ҳудуддаги тор кўчалар ҳамда мактаб ва боғчага элтувчи йўлларни биринчи навбатда асфальтлаш назарда тутилган. Бу ишлар юртимиздаги муҳим сиёсий тадбир олдидан фуқаролар қалбида шукроналик ва миннатдорлик туйғуларини янада ошироқда, - дейди И.Тошпўлатов.

Аввалроқ, давлатимиз раҳбарининг "2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида"ги 408-сонли Қарорига мувофиқ, айни ҳудудда 2,5 километр узунликдаги ички йўлларга шағал ётқизилиб, асфальтлашга тайёр ҳолга келтирилгани ва бунинг учун давлат бюджетидан 1 млрд. 125 млн. сўм маблағ йўналтирилгани ҳақида хабар берган эдик.

### **Бағдод тумани ҳокимлиги Ахборот хизмати.**

2023-06-05 17:33:32